

Gij Loqsiengj Cozgyah Gou

我的作家梦

Moix boux vunz cungj miz gij loqsiengj swhgeij, miz mbangj vunz siengj dang lauxsae, ndaej son saw ganq vunz, miz mbangj vunz siengj dang canghyw, gouq bouxbingh yw bouxsieng, lij miz mbangj vunz siengj dang boux yijhangzyenz, ndaej damqra gij mimiz gwnzmbwn haenx……Hoeng gij loqsiengj gou dwg dang boux cozgyah ndeu, sij haujlai saw mizyinx ndeiawj, soengq hawj vunz lai yawj doeg.

Gangj daengz gij loqsiengj cozgyah gou, lij aeu daj gou ndaej song sam bi mwahaenx gangj hwnj. Seizhaenx, ndaw gyih saw ranz gou miz haujlai saw, gou cei q caeux cij rox yawj saw dozveh, doeklaeng rox cihsaw lai le couh hainduj yawj 《Dahsau Fwngzme》《Gojgaeq 365 Haemh》daengj saw gojlgwneez. Mizseiz, daxboh lij gangj di gojgaeq gou coengzlaiz mbouj dingq gvaq haenx hawj gou, de naeuz gou nyi, gij gojgaeq neix cungj daj ndaw saw ndaej daeuj, yienghneix, gou doi q yawjsaw mizyinx raixcaix.

Mwh gou doeg siujyoz it nienzgaep, youq Roek It Ciet Lwngyez haemh gonq, gou youq hagdangz biujyienj ciengqgo, dauqma ranz le, gou dawz gij gamjsouh biujyienj gou sij baenz hot sei ndeu. Seizhaenx, gou lij mbouj rox sei dwg gijmaz, cij rox hangz dem hangz sij gij siengjap ndawsim gou, bungzdaengz ci mbouj rox sij, gou couh sij gyoepyaem daeuj lawh. Daxboh daxmeh yawjraen



hot sei gou sij haenx le, haenx gou youh gujli gou.

Daengz ngoenz gyaigeiz, daxboh daxmeh ciengzseiz dai q gou bae guhcaemz, gou youq mwh guhcaemz menhmenh hag rox le cazyawj caeuj ngeixnaemj. Miz haemh ndeu, daengx ranz vunz youq henz Dahbwzgyangh byaij, yawjraen gwnz dah langhraemx fubfeb, ndaw uk gou sawqmwh mauh ok gawqvah “laeuzsang dwg gij baengzyoux henzndang Dahbwzgyangh” “diuz dah neix caen lumj diuz saidoengz gyaundeix ndeu bienqbaenz” yienghneix daeuj.

Dauqma daengz ranz, gou gig vai q sij baenz hot sei 《Doengxhaemh Dahbwzgyangh》. Doeklaeng,

daxboh dawz sei gou geiq bae bause, mbouj gvaq geijlai nanz, sei gou ndaej youq gwnz bauqceij fatbiuj lo. Banh cujyin Mung lauxsae yawjraen bien sei ndaej fatbiuj gou haenx, youq ndaw ban haenx gou. Couh yienghneix, gou yied daeuj yied maij sij faenzcieng, yied daeuj yied miz yinxdaeuz sij faenzcieng lo. Doeklaeng, gou laebdaeb youq gwnz bauqceij fatbiuj faenzcieng, 《Lwgmbauq Lwgsau》《Guengjdoeng Dangzgoq Daihngaih》《Bauq Lwngyez Lajmbanj》daengj doenghgi bauqceij cazci neix lij hawj banjmienh dandoe daeng faenzcieng gou, gou baenz le boux “cozgyah iq” gyoengq doengzhag hozhaenz ndeu.

Daxboh ciengzseiz doi q gou gangj, boux vunz ndeu mboujlwnh baezlaeng guh hong gijmaz, siengj aeu ndaej cingzcik, cungj aeu mboujduenh roengzrengz, guh boux cozgyah hix dwg yienghneix. Yaek siengj baenz boux cozgyah ndeu, mboujdan aeu hag gak cungj vwnzva cihsiz, lij aeu lai doeg lai sij lai coihgaij, mbouj lau baeg. Gou rox, gij loqsiengj cozgyah gou lij gig gya, hoeng cijaeu gou roengzrengz buekguh, genhciz mbouj cuengqsoeng, gou saenq cungj miz ngoenz ndeu, loqsiengj gou bienqbaenz caen.

(Gvangjdungh Swngj Cinghyenj Si Cingh-cwngz Gih Fungmingz Siujyoz sam nienzgaep Sinh Yijfeih)

Seizcin Daeuj Lo

春天来了



Ndaw dieg nae ndonj ok go nywj heusau ndeu, de dwg seizdoeng dandog go doenghgo ndeu, de sieng-cwnggh seizcin yaek daeuj lo. Dahraix, mbouj geij nanz, gyoengq baengzyoux nywj iq daeuj lo, doengh go faex sangvid, doengh duj va gak saek gak yiengh, doengh go nywj heusausau haenx gyoebbaenz le seizcin gyaundeix.

Sawqmwh raq rumz ndeu ci gvaq, ha! Dwg dahsau seizcin daeuj lo, de cingj

daxgoeng seizdoeng bae lo. Dahsau seizcin sawj daihdeih gizgiz cungj cungnuenx le senggei, sawj raeujrub ciuq daengx aenbiengz. Doengh-duz ninz gvaq doeng haenx hix ndiu gvaqdaej, bae ra gij baengzyoux gyoengqde lo.

Dahsau seizcin dwg daxmeh daihdeih, de nyinh sojmiz doxgaiq, hawj gyoengqvunz mbouj caiq roxnyinh daengz nit, yiengj-souh raeujrub seizcin.

(it nienzgaep Ginh Swhhanz)

Rumz Seiziq

儿时的风

Yawj daeb cozyez ndeu doi youq gwnz daiz, gou caen mbouj siengj sij lo, hai, cozyez baenzlawz baenzneix lai?

Raq rumzliengz ndeu ci daeuj, ci gwnz naj gou, hix ci byoem gou mbinfe hwnjdaej, cwxcaih dangqmaz, sawj gou yaep couh siengj daengz seiz gaxgonq……

Mwh lij iq, daxmeh ciengzseiz umj gou naengh youq gwnz yangzdaiz gaebgeb haenx dat makbingzgoj hawj gou, aendaeng ndaw ding miz di amq, aenda daxmeh dwg baenzneix unqswnh…… Raq rumz ndeu ci gvaqdaej, liengzsisi ci youq gwnz naj, gou yawj daxmeh naj riunyumnyum.

Raq rumz neix miz di lumj rumzcou, liengzyaujyauj, hoeng cix hawj vunz roxnyinh daengz raeujrub. Mwh raq rumz neix ci daengz gwnz naj gou, gou lumjbaenz dauqma daengz seiziq, cingq ninz youq ndaw rungj daxmeh raeujrub haenx, gwn makbingzgoj ngaebngaeb……

“Feihfeih, mwngz ngaenz gijmaz ne?” Daxmeh sawqmwh cam gou, dwk goengq gij ngeixsiengj gou bae.

“O, daxmeh, rumz neix cwxcaih raixcaix! Mwngz hix daeuj gamjsouh baez ndeu ba!”

Daxmeh byaij daengz henz conghe-cueng, rumz ci youq gwnz naj de, “dwg bw, caen cwxcaih lai bw!”

Gou doi q daxmeh naeuz: “Meh ha, gou roxnyinh gij rumz neix ci youq gwnz naj, couh lumj dauqma daengz seiziq, gou cingq ninz youq ndaw rungj mwngz, gaemz dem gaemz gwn gij makbingzgoj mwngz dat hawj gou haenx!”

“Dwg ha? Dahlgw gou roxsoq lo!”

Mboujgvaq, mwngz vaiqdi bae sij cozyez ba, yaep ndeu yaek gwn haeux ho!” Daxmeh lumhlumh gyaen gou le, doq gangj vah doq bae ranzdajcawj nyaengq hong lo.

Seizneix, baihrog conghecueng doek fwn lo, gou roxnyinh engq rumz engq liengz lo, miz di nit, gou ganjvai q bae ra geu buh ndeu longz gwnz ndang bae.

Gij rumz seiziq, couh yienghneix siusaet lo, de seizlawz cai q dauqma, youh liengzsisi ci daengz gwnz naj gou ne?

(Gvangjdungh Swngj Cinghyenj Si Cinghcwngz Gih Fungmingz Siujyoz sam nienzgaep Sinh Yijfeih)



faenzcieng banjneix dwg Veiz Yennaz fanhoiz